

Maart 2017

INHOUDSOPGawe

Oordenking.....	1
Uit die Voorsitter se pen.....	2-3
Redaksie.....	4
Bestuursinligting.....	5-6
Voogdelys.....	7
Seniorburgerverslag.....	8-9
Lief en leed.....	10
Bloekompoort kamp verslag.....	11-14
Nkwe kamp verslag.....	15-18
Verjaarsdae & Huweliksherdenkings.....	19
100+ foto's.....	20
Kaptein Duiwel	21-22
Humor.....	23
Sjokolade Wafel.....	24
Knutselblad.....	25
Smoushoekie.....	26
Jaarprogram.....	27



Gebed

Liefdevolle Here,

In U skeppingsalmag het U aan ons die herfs gegee: die herfs met sy rykdom van rypgeworde volwassenheid en oorvloed van kleureweelde. Dankie dat ons ook geestelik kan groei en ryp word sodat dit in ons lewe uitloop op rustigheid en vervulling. Dit is ook die tyd van die jaar, o Man van smarte, wanneer ons U in die gees op u lydendspad volg. Ja, U het vir die hele wêreld gely, maar ook vir my! Al u lyding, smaad en smart, elke kruiswoord selfs u Godverlatenheid was om my ontwil. Laat my dit nooit, maar nooit vergeet nie, Heiland. U het u lewe vir my gegee ten spyte daarvan dat ek dit nie werd is nie. In diepe dankbaarheid wy ek opnuut aan U my lewe: liggaam, siel en gees. Maak my u ware dissipel en vreeslose getuie. Laat my deur die kruis die aakligheid van die sonde besef, sodat ek daarvan sal wegvlug. Laat my deur die kruis u liefde in Jesus Christus raaksien, sodat ek my toevlug na U sal neem. Lei my ook hierdie maand deur die lig van u vriendelike aangesig. Ek bid dit in die naam van Jesus wat alles volbring het.

Amen

(Bron: 'n Bybelse Dagboek)



Uit die Voorsitter se pen

Dagsê mede Sawanante,

Die eerste kwartaal van die jaar is al so amper verby en as ons so terug kyk het die jaar baie goed afgeskop, as dit by kamp kom. Die Januarie saamtrek te Bloekompoort was baie lekker. Die nuwe Burgemeesters paar Jan en Daleen Viljoen is ingehuldig en so ook ons Februarie saamtrek waar ons weer na Nkwe gegaan het na 'n lang ruk wat ons nie van die oord gebruik gemaak het nie, almal het dit baie geniet en lekker gekuier.

Vriende, die Presidente is om die draai en ek wil vra as julle 'n bydrae kan maak vir ons Lekkabek tafel in die sin van lekkers of natuurlik konfytte wat altyd 'n wen verkoper is, dit by ons volgende kamp of by enige van die bestuurlede afgegee, dit sal regtig waardeer word.

Dit is ook weer die tyd van die jaar waar ons weer moet begin om volgende jaar se jaarprogram te begin opstel, ons wil graag van julle hoor van voorstelle vir kampe vir 2018, neem asb in ag die afstande en die paaie(tolhekke ens) ons sal probeer so ver moontlik te onderhandel vir beter tariewe al is dit nie altyd suksesvol nie.

Vriende, soos ek met die laaste kamp se afsluiting genoem het, is dat ons spook kamp in Oktober geskuif word met 'n week. Dit is nou die naweek van 27-29 Oktober 2017.

Ek wil graag almal uitnooi om die Doedie saamtrek te Sionberg, die naweek van 26-28 Mei saam te kom kamp, kom ons ondersteun die dames met die kamp wat hulle vir ons gaan reël.

Die Gebieds saamtrek gaan weer by Bela Bela plaasvind die naweek van 15-18 Junie 2017, maar ek is alreeds ingelig dat van ons lede wil liewer by Jakaranda gebied se saamtrek te Weesgerus wil aansluit, ek

weet dit is nog lank maar 'n mens moet vroegtydig bespreek sodat hulle die nodige reelings kan tref. Ek sal meer inligting vir julle deurgee sodra ek dit ontvang het.

Vriende, ek kan met 'n blye hart sê dat ons Hemelse Vader elkeen se gebed verhoor het toe ons so gebid het vir reën. Met krag van Bo het die damme skielik vol geword. Ons Dank en Prys ons Almagtige Vader, maar ons moet aanhou bid daar is nog plekke wat dit nog so baie nodig het, veral in gedeeltes van die Kaap.

Daar is van ons Seniorburgers wat gaan toer na Botswana en Namibia en party vlug kus toe vir so 'n maand of meer. Ek wil vir julle 'n voorspoedige reis toewens en geniet julle tyd tydens die toer en onder by die see.

Tot ons volgende saamtrek

Veilig sleep

Virgie





Redaksie

Lieve vriende.

Herfs is in die lug en dit beteken die winter is om die draai. Vir 'n kampeerder is dit nie lekker om te hoor nie. Maar ons is nie bang nie.

Ek wil graag almal aanmoedig om, grappies, resepte en nuus in te stuur wat ek in die Suikerbekkie kan gebruik. Dit sal my taak makliker maak.

Tot volgende keer.

Lekker lees.

Margaret



Baie geluk aan Chantel met die nuwe motor

Bestuursinligting

Ampsdragers	Adres	Kontakbesonderhede
Streeksvoorsitter Virgie Lavos 	Posbus 13160 Geduld , 1562	011 813 2734 (H) 011 363 3773 (F) 082 557 7095 (S) virgie@tiscali.co.za
Ondervoorsitter Johnny Randall 	Liebenberg Straat 22 Heidelberg 1441	016 349 5661 (H) 084 580 8729 (S) john.randall@absamail.co.za
Sekretaris Jackie Lavos 	Posbus 13160 Geduld , 1562	011 813 2734 (H) 083 448 5831 (S) virgie@tiscali.co.za
Penningmeester Bettie Branken 	Johan vd Merwe Rylaan 48 Visagie Park 1491	011 814 5289 (H) 083 230 8350 (S) brankenem@telkomsa.net

Bestuursinligting

Ampsdragers	Adres	Kontakbesonderhede
Skakelbeampte Mercia Combrink 	Johan vd Merwe Rylaan 53 Visagie Park 1491	011 814 5496 (H) 072 617 6999 (S) merciacombrink@gmail.com
Voorraad Dries Brandt 	Krisante Straat 26 Visagie Park Nigel 1690	011 814 6394 (H) 083 234 9563 (S) martiebrandt1@gmail.com
Redakteur Margaret Randall 	Liebenberg Straat 22 Heidelberg 1441	016 349 5661 (H) 072 766 7025 (S) mags.randall@yahoo.com
Seniorburger Verteenwoordiger Pieter Branken 	Johan vd Merwe Rylaan 48 Visagie Park 1491	011 814 5289 (H) 083 785 3365 (S) brankenem@telkomsa.net

Voogdelys

Virgie en Jackie Lavos	Willie en Ilona Dreyer Johan en Heila le Roux Gert en Erika Scheepers George en Hester Duvenhage Jooste en Elize Potgieter Willem en Ryna Gerber
Johnny en Margaret Randall	Peter en Wilna Moore Lionel en Mynah Randall Ivan Randall Adriaan en Elmarie Erasmus Rui en Annette Cajada
Pieter en Bettie Branken	Maria van Niekerk Lourens en Beatrix Steyn Johan en Elize van Heerden Philip en Hettie Horn Zirk en Rie Venter Dániel en Paula van Deventer
Dries en Martie Brandt	Mike en Margaret van der Riet Jan en Daleen Viljoen Tinus en Daleen Strydom Ananda Olwagen Bertie en Wilma Herbst
Hennie en Mercia Combrink	Toy en Marianne Kruger Lucas en Annetjie van der Merwe Kobie en Sophie Harmse Cookie Taljaard Cedric en Yolandi Strydom



Seniorburger Verteenwoordiger

SENIOR BURGER SAAMTREK TE BLOEKOMPOORT

9-11 November 2016

So breek die laaste kamp van die jaar aan en die seniorburgers kamp al van Woensdag af. Phillip en Hettie kry die slegte nuus dat daar by hul huis ingebreek is en hulle pak op en ry huis toe. Gelukkig was niks gesteel nie en nadat die skade herstel is, het hulle weer by ons aangesluit.

Bettie was ook olik en ons het maar duim vasgehou dat hulle kom kamp en ook die kersietoer kon mee maak wat Sondag van Bloekompoort sou vertrek.

Buiten die 5 Suikerbosranders, was daar 2 lede van Overvaal, 1 Luiperd en 2 besoekers. Ans Opperman het soos gewoonlik seker gemaak dat daar 'n besoek aan Habby & Lace gebring word.

Donderdag het ons die middag lekker koek en tee / koffie geniet en sommer net saam gekuier. Hennie het weer vir ons die aand met wors, pap en sous voorsien.

Almal het soos gewoonlik die kamp baie geniet.

Groete

Johan en Elize van Heerden

Seniorburgerverslag

2017 se seniorburgerkamp skop goed af met 6 woonwaens wat al van Maandag af kamp. Woensdag sluit nog 3 by ons aan. 'n Totaal van 9 woonwaens waarvan 2 besoekers was.

Daar word weer heerlik gekuier en al die verlore nuus word ingehaal. Ongelukkig het ons 'n ligte ongeval gehad toe Phillip Opperman op die stoep gly en die been met die "nuwe knieg" sleg onder hom invou en die muur baie van sy velletjies afskraap. Gelukkig was Ans byderhand met die staaldruppels en 'n verband. Hy was die res van die tyd maar styf en kruppel. Gelukkig het hy geen beenbreuke opgedoen nie.

Donderdagoggend geniet ons koek en tee en daar word weer soveel eetgoed voorgesit dat die tafels letterlik kreun onder die gewig. Die aand smul ons aan Bloekompoort se gebruiklike pap en wors. Na ete word tot laat aand om die tafels geskerts en gekuier.

Vrydag sluit ons die kamp af deur lekker saam te kuier onder die koelte bome.

Weereens 'n rustige maar baie lekker saamkuier en ons sien uit na die volgende seniorburgersaamtrek 9-11 Augustus 2017. Ons hoor dat die meeste van die seniors weer al van Maandag af gaan saamtrek.

Almal word hartlik genooi om saam met ons te kom kuier.

Verder wil ons ook net van die geleentheid gebruik maak om Willem en Eryna Gerber baie welkom te heet in ons midde. Hulle is welbekende sawanante en beide van hulle het al diep spore in SAWA getrap. Ons weet dat julle ook toegewyde Suikerbosranders sal wees al woon julle in Nylstroom.

Tannie Cookie moet 'n knieervangingsoperasie ondergaan en deur hierdie weg wens ons haar sterkte toe en 'n spoedige herstel. Met Willie Dreyer en Lukas van der Merwe gaan dit onder omstandighede goed. Beide van hulle ontvang nog behandeling en albei is baie positief. Ons wens hulle sterkte toe en hou hulle asseblief in julle gebede. Na verneem word gaan dit goed met Johan le Roux. Johan van Heerden sukkel nog met swelling in die been en Dries Brandt is ook nog nie gesond nie. George Duvenhage en Bettie Branken het albei 'n melanoom laat verwijder. Mag julle ook volkome herstel.

Laat weet my asseblief van enige lief of leed?

Groetnis

Pieter Branken.

Lief

Dit gaan goed met Lukas van der Merwe na die operasie.
Daniel en Paula is die 100+ se nuwe babas.
Ons het nuwe burgemeesterspaar vir 2017, Jan en Daleen Viljoen.



(Baie geluk. Red.)

Leed

Lionel Randall het sy knieg erenstig beseer.
Dit gaan nie goed met Toy en Marianne Kruger se dogter nie.
Margaret van der Riet het rug probleme.
Dries Brandt het 'n draai in die hospitaal gemaak.
Cookie Taljaard het 'n knieg operasie ondergaan.
Hennie Combrink het katarakke van sy oë laat verwijder.
George Duvenhage het 'n melanoom laat verwijder.
Lukas van der Merwe het begin met bestraling.
Willie Dreyer het 'n terug slag gehad.
(Ons dink aan elkeen en ons bid dat julle gou sal herstel. Red.)

Kampnuus

Burgemeesterskamp te Bloekompoort
27 - 29 Januarie 2017

Van die Seniorburgers het al van Maandag af gekamp, maar die werkende mense het van Vrydagoggend begin inkom. Almal het rondgeskarrel om 'n gaanjie te kry om nes te skrop.

Vrydagaand het almal lekker gesmul aan die hoenderburgers wat te koop aangebied was. Later was daar boeke gevat en is die voorraad ook uitgestal. Daarna het ons lekker gekuier tot almal gaan slaap het.

Saterdagoggend is daar boeke gevat en het ons lekker gekuier. Die middag het almal gereed gemaak vir die Burgemeesters inhuldeging. Die uittredende Burgemeesterspaar het die kettings vir die nuwe Burgemeesterspaar, Jan en Daleen Viljoen, aangesit. Die aand het ons lekker saam gebraai en gekuier.

Sondagoggend het ons kerk en afsluiting gehad, en daarna het ons'n heerlike ontbyt geniet wat deur die oord voorsien was. Daarna het almal maar stadig begin oppak en huiswaards gekeer.

Philip en Hettie.







Kampnuus

Nkwe

17 - 19 Februarie 2017

Suikerbosranders het die naweek aangepak onder die wolke en saam met die winde van Dineo.

Alle voorbereidings is getref vir 'n "groot storm". Deur die Genade van Bo het ons 'n heerlike naweek met wonderlike weer beleef, lekker ge-eet en heerlik gekuier, veral Saterdagaand om die braavleisvuur tot laat onder die skoongewasde lug en sterre.

Sondag na kerk en afsluiting het die dames hulself weereens oortref met 'n heerlike koektafel en kon ons nog lekker kuier.

Daarna het almal rustig opgepak vir 'n veilige terugtog huistoe.

Dankie vir 'n heerlike naweek.

Groete

Kampkommodante.

Jooste en Elize Potgieter , George en Hester Duvenhage







Verjaarsdae

6 Maart
9 Maart
14 Maart
16 Maart
21 Maart
29 Maart

Daleen Viljoen
Adriaan Erasmus
Lourens Steyn
Ilze-Marie Erasmus
Annetjie van der Merwe
Wilma Herbst

1 April
2 April
3 April
7 April
13 April
18 April
20 April

Wilna Moore
Bertie Herbst
Maria van Niekerk
Elmarie Erasmus
Kobie Harmse
Cookie Taljaard
Mike van der Riet

2 Mei
5 Mei
14 Mei

Lionel Randall
Beatrix Steyn
Cedric Strydom

Huweliksherdening

8 Maart
25 Maart
27 Maart
28 Maart

Philip en Hettie Horn
Jan en Daleen Viljoen
Lionel en Mynah Randall
Gert en Erika Scheepers

5 April
8 April
20 April

George en Hester Duvenhage
Tinus en Daleen Strydom
Peter en Wilna Moore

Kampnuus

**100+ Saamtrek te Kia Manzi
10 - 12 Maart 2017**



Kaptein Duiwel

Deur Dana Snyman

Vyftig myl! Voor Pofadder ruk die Hullman Vogue 'n paar keer, proes 'n slag en vrek. Pa haal hom uit rat uit en draai en draai die sleutel, maar hy is dood. "Wat nou, my hartjie?" vra Ouma. "Is dit die fēnbelt?" Pa byt net op sy tande en swaai die Vogue tot op die grys langs die teer, regoor die bordjie wat sê: Pofadder 50. Toe klim hy in die warm son uit en maak die enjin kap oop. Dit is Nuwejaarsdag en ons is vieruur vanoggend al op Daniëlskuil weg, op pad Pofadder toe vir oom Gertjie Niemoller se Nuwejaarsbraai. Ons ander klim ook uit: eers Ma wat voorsit, dan ek, Oupa en Ouma met haar kierietjie. Ons gaan staan langs Pa by die enjin. Ouma wys met haar kierietjie na die battery. "Is dit nie die fēnbelt nie, hê?" "Nee, Mammie, dis nie die fēnbelt nie". Oupa stap tot in die middel van die pad, sy hemp natgesweet tussen sy blaaise. "As die son jou vandag hier alleen kry, brand hy jou dood". Sê hy en kyk met skrefies oë oor die kaal vlakte rondom ons uit. Daar is nie 'n kar in sig nie, net stilate en klippe en telefoonpale en tolbosse wat in die warm wind rol. Pa skud sy kop en sê "Ons sal maar moet wag vir hulp. Ek dink sy het bearings geslaat". 'n Halfuur tik verby op die dashboard se horlosie. 'n Uur later begin Pa en Oupa bereken hoe lank sal ons kan oorleef op die water in die Hillman se radiator terwyl ek begin huil en Ma vertel van die storie wat sy in 'n tydskrif gelees het van 'n vliegtuig wat in die Andesgebergte geval het met 'n klomp rugbyspelers en hoe hulle later die dooies begin eet het. "Wag, wag, hier kom nou iets." Oupa beduie na 'n beweging in die verte. Eers lyk dit na „n trein, maar dit word 'n tamaaike lorrie wat oor die vlakte aangebewe kom. En hy gewaar ons, want hy toet. Toe grom hy in 'n laer rat en kom bewend en blasend langs ons tot stilstand. Die deur swaai oop. 'n Leë bottle val uit en breek op die teerpad. 'n Man in 'n wit stofjas kom agterna, wiegend op sy voete. "Jis, jis, howzit, dit smaak my julle het troubles! But don't fear when Kleingiel Stols is near- hulle noem my nie verniet die Kaptein Duiwel van De Aar nie". Hy gaan peuter onder die enjinkap, stap om en draai die Hillman se sleutel, Maar niks gebeur nie. Ouma loer saam met hom oor die enjin. "Is dit nie die fēnbelt nie, Meneer?" "Klink vir my na die coil, my antie." Hy kyk op sy horlosie. "En dis Nuwejaar. Jy sal nie nou 'n nugter mechanic kry nie. Ek sal julle moet insleep." Pa kyk na kaptein Duiwel, toe na die gebreekte bottle in die pad en toe die verte in. Hy

Hillman se stamper. Nie lank nie, toe pluk daai tou styf. En daar gaan ons, al agter die lorrie aan. "Stadig!" roep Pa en gryp die stuurwiel met albei hande vas. "Ho!" Maar die lorrie gee net 'n brul en spoeg 'n donker rookwolk onder sy maag uit. "Is die man van sy trollie af! " bulder Oupa."Toet vir hom!". Pa lig sy hand om te toet, maar Kaptein Duiwel ruk die lorrie so vinnig oor die witstreep terug dat dit voel asof ons op die Big Dipper by die Randse Paasskou is. Ma kyk nie eers op nie, sy lees een van haar Mills & Boon-boekies. "Ek sê, toet vir die fool!" beveel Oupa weer. Pa toet, maar bokant die lorrie se gebrul kan niemand iets hoor nie. En die Hillman se speedometer staan klaar op 50 myl per uur. Toe opeens, kom iets van voor af deur die lug gevlieg. Dit val op die klippe langs die pad en spat in stukkies. "Dis 'n wynbottel!" roep Pa en gryp weer na die stuurwiel, want Kaptein Duiwel is al weer met ons aan die verkeerde kant van die pad. Langs my val oupa met 'n psalm: "Die duis-ter-nis ver-skrik ons nie, ons vreehees nie vir die na-haag..." Later word die toring „n dorp met peperbome en huise, 'n winkel en 'n garage. Maar die Hillman se speedometer bly stokstyf op 60 myl per uur staan. Pa lê op die toeter, maar die vragmotor sug weer net een van daai donker wolke uit. En beur met ons vorentoe. By die winkel en die garage en oom Gertjie-hulle se huis verby, by die hele Pofadder verby, met Oupa wat halflyf by die venster uithang en roep: "Help! he-help!" "Ons sal iets moet doen," sê Pa. "Hierdie fool gaan met ons in ons malle maai in ry – as hy ons nie dood verongeluk nie." Agter ons word Pofadder al hoe kleiner en die vlakte al hoe groter. Pa vat die Hillman se stuurwiel stywer vas en frons sy dinkfrons. "Julle moet nou vashou, ek gaan ons ontset." "Wat beteken ontset, hè, Pa?" vra ek. Maar Pa luister nie, sy oë is op die lorrie voor ons. Toe kom hy so halfregop agter die Hillman se stuurwiel. En lig sy regtervoet. Toe trap hy die briek tot teen die vloer. Die Hillman steek in die middle van die pad vas en kraak. Daai dik tou rek en rek – en breek. Toe, amper asof ons sonder die Hillman agter Kaptein Duiwel se lorrie wil aanjaag, skiet ons vorentoe. Oupa se hoed spring van sy kop af en Ouma se handsak trek verby Pa se kop tot teen die voorruit. Ek voel hoe ek tussen die voorste twee sitplekke deurskuif en hoe my kop teen die dashboard stamp. "Is dit nie die fēnbelt nie, my hatjie? Is dit nie die fēnbelt nie?"

Humor

Drie seuntjies spog by die skool oor hul pa's. Die eerste een sê: "My pa skryf 'n paar woorde op 'n stuk papier, en noem dit 'n gedig en dan gee hulle hom sommer R500." Die tweede seuntjie sê: "Dis nog niks nie. My pa skryf 'n paar dinge op 'n stuk papier, en hy noem dit 'n lied - dan gee hulle hom sommer R1000." Die derde seuntjie sê: "My pa is nog beter. Hy skryf 'n paar woorde op 'n stuk papier en noem dit 'n preek. En dan vat dit agt manne om al die geld bymekaar te maak!!"

Dit is die Engelse juffrou se eerste oggend in die klas op Porterville en sy sê: "Good morning class!" Net een outjie spring op en sê: "Good morning miss". Juffrou vra hom toe hoekom dan net hy geantwoord het. Sê hy: "Because I is the only one whose name are Klaas miss".

Toe ek jonger was het ek dit gehaat om troues toe te gaan ... dit was altyd die tannies en ouma-tipes wat na my toe sou kom en met 'n gemoedelike stamp in die ribbes sou sê: "Jy's volgende!" Hulle het daai ding vinnig gestop sedert ek dieselfde met hulle by begrafnisse begin doen het.

"Gooi vir my 'n stywe dop asseblief" sê Koos vir die kroegman toe hy by die kroeg instap. "Ek het sopas weer 'n verskriklike fight met my vrou gehad!" "Ag nee man," sê die kroegman, "hoe het die een verloop?" "Toe alles oor was," antwoord Koos, "het sy op haar hande en knieë na my toe aangekruip gekom!" "Regtig, dis 'n goeie verandering op die reël. Wat sê sy toe vir jou?" "Koos, kom uit onder die bed jou bang gemors!"

knik. "Dit sal gaaf wees. Jy verongeluk ons net nie." Kaptein Duiwel bring 'n dik tou en bind dit aan die lorrie se agterkant, toe aan die

Uit die Kombuis



Sjokolade Wafels

- 1½ k bruismeel (225g)
 - 2 el kakao
 - 3 el suiker
 - ½ tl sout
 - 2 x 60g eiers, geskei
 - 1½ k room
 - 1½ tl gesmeerde botter
1. Sif meel, kakao, suiker en sout saam
 2. Klits eiergeel tot duk, meng liggies met room.
 3. Meng droë bestandele en eiermengsel en voeg botter by.
 4. Vou geklitste eierwit in deeg.
 5. Gebruik half koppie deeg vir elke wafel.

(Bron: Wafels, Plaatkoekies, Pannekoekes)

Knutselblad



Smous hoekie

Wil jy braai vanaand, maar jou houtskool of vuuraanstekers is op?

Skakel vir Dries Brandt by telefoon nommer 011 814 6394 of 083 234 9563.

Hy verkoop ook potjieprutters en potjiedekselstaanders.

Vir lekker tuis-gebakte klein koekies en beskuit bel vir Mercia Combrink by 0726176999. Bestellings moet geplaas word voor 'n kamp en dit sal na die kamp gebring word.

(Baie dankie aan tannie Mercia wat aangebied het om 10% van die verkope op 'n kamp aan die jeugfonds te skenk. Red.)

As jy wil adverteer in die smoushoekie e-pos my by mags.randall@yahoo.com



Jaarprogram 2017

Maand	Datum	Plek	Kamp/Kmndt
Januarie	25-26 Snrb	Bloekompoort	Pieter en Bettie Branken
	27- 29	Bloekompoort	Phillip en Hettie Horn
Februarie	17 - 19	Nkwe	Jooste en Elize Potgieter, George en Hester Duvenhage
Maart	25 - 28	Riverside Beach club	Dániel en Paula van Deventer
April	14- 17	Presidente	
Mei	26 - 28	Sionbergh	Doedies
Junie		Gebied Warmbad	
Julie	Geen		
Augustus	9 - 10 Snrb	Bloekompoort	Pieter en Bettie Branken
	11 - 13	Bloekompoort	Bestuur
September	22 - 25	Sionbergh	Bertie en Wilma Herbst
Oktober	27 - 29	Spookkamp	Johan en Elize van Heerden, Zirk en Rie Venter
November	15 - 16 Snrb	Bloekompoort	Pieter en Bettie Branken
	17 - 19	Bloekompoort	Jeug